

/վարչական տույժ նշանակելու մասին/

«27» հունիսի 2022թ.

ք. Սիսիան

Ես՝ Հայաստանի Հանրապետության պետական եկամուտների կոմիտեի Հարավային մաքսատուն-վարչության պետի ԺԹՊ Արտաշես Ղամբարյանս, ուսումնասիրելով ԻԻՀ քաղաքացի Ռեզա Էբրահիմի /անձնագիրը՝ Y44716736/ վերաբերյալ փաստաթղթերը.

Պ Ա Ր Զ Ե Ց Ի

ԻԻՀ քաղաքացի Ռեզա Էբրահիմի կողմից Հայաստանի Հանրապետության ճանապարհներից օգտվելու համար հաշվարկված 205000 ՀՀ դրամից սահմանված ժամկետում վճարվել է 152000 ՀՀ դրամը, իսկ պակաս վճարված 53000 ՀՀ դրամը վճարվել է 04.05.2022 թվականին՝ սահմանված ժամկետից 6 /երեք/ օր ուշ:

Հայաստանի Հանրապետության պետական եկամուտների կոմիտեի Հարավային մաքսատուն-վարչության ավագ մաքսային տեսուչ-իրավաբանի կողմից 05.05.2022 թվականին ԻԻՀ քաղաքացի Ռեզա Էբրահիմի նկատմամբ «Վարչական իրավախախտումների վերաբերյալ» ՀՀ օրենսգրքի 170-3 հոդվածի համաձայն հարուցվել է վարչական վարույթ:

ԻԻՀ քաղաքացի Ռեզա Էբրահիմը գործի քննության անցկացման վայրի և ժամանակի մասին ազդարար.ամ /azdarar.am/ կայքում հրապարակային ծանուցման միջոցով պատշաճ կարգով ծանուցվել է, սակայն չի ներկայացրել հրավիրված քննությանը և գրավոր որևէ բացատրություն կամ դիրքորոշում չի ներկայացրել:

Վարչական վարույթի շրջանակներում հարցում է կատարվել ՀՀ ՊԵԿ Ներքին անվտանգության վարչություն ԻԻՀ քաղաքացի Ռեզա Էբրահիմի սահմանահատումների պատմությունը ստանալու նպատակով:

Համաձայն ՀՀ ՊԵԿ Ներքին անվտանգության վարչության կողմից տրամադրված սահմանահատումների պատմության ԻԻՀ քաղաքացի Ռեզա Էբրահիմը 27.06.2022 թվականի ժամը 01:53-ին Ագարակ պետական սահմանի անցման կետով անցել է ՀՀ:

ՀՀ «Հարկային օրենսգրքի» 193-րդ հոդվածի 1-ին մասի 1-ին ենթակետի համաձայն.

Հայաստանի Հանրապետությունում չգրանցված (չհաշվառված) բեռնատար ավտոտրանսպորտային միջոցներով Հայաստանի Հանրապետության ավտոմոբիլային ճանապարհներից օգտվելու համար պետական բյուջե վճարման ենթակա ճանապարհային հարկը հաշվարկվում և վճարվում է հետևյալ կարգով.

Հայաստանի Հանրապետություն յուրաքանչյուր մուտքի համար ճանապարհային հարկը հաշվարկվում է Օրենսգրքի 188-րդ հոդվածով սահմանված տասնհինգօրյա դրույքաչափերով և պետական բյուջե է **վճարվում Հայաստանի Հանրապետություն մուտք գործելիս:**

«Վճարման հանձնարարականով միջոցների փոխանցումների մասին» ՀՀ օրենքի 2-րդ հոդվածի համաձայն.

Վճարման հանձնարարականով միջոցների փոխանցումը (այսուհետ՝ միջոցների փոխանցում) վճարողի կողմից վճարման հանձնարարականի ներկայացմամբ սկսվող՝ դրանում նշված շահառուին նախատեսված գումարը վճարելու նպատակով իրականացվող հաջորդական գործողությունների համակցություն է: Միջոցների փոխանցումը ներառում է վճարողի վճարման հանձնարարականը կատարելու նպատակով վճարողի բանկի կամ միջնորդ բանկի կողմից հաջորդ բանկին ուղարկված վճարման հանձնարարականը: Միջոցների փոխանցումն ավարտվում է շահառուի բանկի կողմից շահառուի օգտին վճարողի վճարման հանձնարարականի ակցեպտավորմամբ:

«Վարչական իրավախախտումների վերաբերյալ» ՀՀ օրենսգրքի 170³ հոդվածի համաձայն՝ հարկերը, տուրքերը և օրենքով սահմանված պարտադիր այլ վճարումները սահմանված ժամկետներում չվճարելն առաջացնում է տուգանքի նշանակում սահմանված նվազագույն աշխատավարձի տասնապատիկից մինչև քսանապատիկի չափով:

Այսպիսով, վարույթի նյութերով հիմնավորվում է, որ ԻԻՀ քաղաքացի Ռեզա Էբրահիմը սահմանված ժամկետում չի վճարել ճանապարհային հարկի մի մասը կատարվել, ինչով պայմանավորված ԻԻՀ քաղաքացի Ռեզա Էբրահիմի կողմից թույլ է տրվել «Վարչական իրավախախտումների վերաբերյալ» ՀՀ օրենսգրքի 170³ հոդվածով նախատեսված իրավախախտում:

Ելնելով վերոգրյալից և ղեկավարվելով «Վարչական իրավախախտումների վերաբերյալ» ՀՀ օրենսգրքի 214-րդ և 234-րդ հոդվածներով՝

Ո Ր Ո Շ Ե Ց Ի

1. ԻՒՀ քաղաքացի Ռեզա Էբրահիմին «Վարչական իրավախախտումների վերաբերյալ» ՀՀ օրենսգրքի 170³ հոդվածով սահմանված իրավախախտում կատարելու համար ենթարկել վարչական պատասխանատվության՝ տուգանել **10000 ՀՀ դրամի** չափով:
2. Որոշման մասին հայտնել ԻՒՀ քաղաքացի Ռեզա Էբրահիմին:
3. Որոշումն ուժի մեջ է մտնում որոշման կայացման մասին իրազեկելու հաջորդ օրը, կարող է բողոքարկվել վարչական և դատական կարգով, ուժի մեջ մտնելուց հետո երկամսյա ժամկետում:

Սույն որոշումն ուժի մեջ է մտնում դրա ընդունման մասին իրազեկելուն հաջորդող օրը և «Վարչարարության հիմունքների և վարչական վարույթի մասին» ՀՀ օրենքի 10-րդ գլխի նորմերին համապատասխան կարող է երկամսյա ժամկետում բողոքարկվել վերադատության կարգով կամ ՀՀ վարչական դատավարության օրենսգրքով սահմանված կարգով՝ վարչական դատարան:

Սույն որոշումը կամավոր չկատարվելու դեպքում այն կկատարվի «Հարկադիր կատարումն ապահովող ծառայության» միջոցով՝ պարտապանի հաշվին:

Սույն որոշմամբ նշանակված տուգանքի վճարման հաշվեհամարն է. **900005024055՝ 10000 ՀՀ դրամ, նշել 30 կողը:**

ՀԱՐԱՎԱՅԻՆ ՄԱՔՍԱՏՈՒՆ-
ՎԱՐՉՈՒԹՅԱՆ ՊԵՏԻ ԺԹՊ



ԱՐՏԱՇԵՍ ՂԱՄԲԱՐՅԱՆ